

Ben sich hefftig sehr darüber verwundert: Deren Auflegung aber ist dieses.

Dieweil also vom Anfange der Empfengnuß/ biß zu der Geburt des Kindes/ ein jeder Planet an seinem Ort sein Bildnuß dargibt/ nach dem es die Göttliche Allmächtige Krafft dermassen geschafften vnd verordnet hat. Also sage ich Rachai-  
 debi auch/ vnd es ist wahr/ daß in allen Alchimistischen Wercken/ jeglicher Planet an seinem Orte sein Bildnuß mache/ biß zu der Erfüllung des Wercks: Vnd alsdann wird die Alchimey künstlich geboren. Aber so ichs noch mit besserer Wahrheit reden soll/ so wird sie natürlicher Weise geboren/ nach allen Planeten/ in massen solchs Gott der Allmächtige dem ersten erschaffenen Menschen gezeiget/ welcher die Natur aller Tincturen natürlicher Weise gehabt hat: Vnd also wird geboren der Mercurius/ welcher in ihm hat die vier Elementē/ vnd die Naturen aller Tincturen/ nach ihren Graden: Es strecken sich aber in diesem Werck der Alchimey irer sehr viel/ vnd ihrer gar wenig kommen zu bessem Ende. Dann in diesem Werck ist ein Sprung der Luna oder desmonds/ vnd ein Circel der solis oder der Sonnen/ zu Dreyen Graden. Der erste ist Schwach: Der andere Starck: Der dritte ist Vollkommen. Vnd sind drey Terminen oder Zeiten: Der erste/ wann die Sonne in den Wider eyngelhet/ vnd in irer Exaltation oder Erhöhung ist: Der andere/ wann die Sonne im Löwen ist: Der dritte/ wann die Sonne in Schützen gehet. Der Circel aber der Sonnen Aht vnd zwanzig Jahr/ Neunzehn Jahre in diesen Mineren/ vnd durch die andern/ die in dem Tass in der Alchimey sind wird die Alchimey erfüllet. Dann an der Zahl des Sprungs Luna finden wir diese Grad/ von neun Graden biß auff zwölff Grad/ vnd von einem in zweene Grad/ Hundert vnd Drey vnd Sechzig biß auff Vier vnd zwanzig/ ic. Sieben finden wir in der Sonnen Circel. Siehe derhalben daß du solchs verstehen lernest/ dann nach denselbigen Graden wird das Werck der Alchimey erfüllet vnd vollendet.

Rachaidebl.

Zu allen Alchimistischen Wercken hat ein jeglicher Planet sein Bildnuß.

Dem ersten Menschen sind natürlicher Weise alle Tincturen bekannt gewesen.